

**ხელშეკრულება № 04**  
**სახელმწიფო შესყიდვის შესახებ**  
(გამარტივებული შესყიდვა)

ახმეტა, სოფელი დუისი

15 მარტი 2023 წელი

ერთის მხრივ სსიპ ახმეტის მუნიციპალიტეტის სოფელ საჯარო სკოლა მისი დირექტორის მოვალეობის შემსრულებლის ლილი სვიაკაურის სახით, შემდგომში „შემსყიდველი“ (საიდენტიფიკაციო კოდი 224628124 ; მის: ახმეტა, სოფელ დუისი)

მეორეს მხრივ შპს „თი აი ეი ჯი აუდიტესკორტი“ (ს/კ 205229439), მისი დირექტორი ზუბიკო შავდათუაშვილის სახით, შემდგომში „მიმწოდებელი“ (საიდენტიფიკაციო კოდი 205229439; ს.ს. „საქართველოს ბანკი“- ბანკის კოდი: BAGAGE22; ანგარიშის N GE47BG000000294791500; მის: ქ. თბილისი, ყაზბეგის გამზ. #14ა) „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის და სახელმწიფო შესყიდვების სააგენტოს თავმჯდომარის „გამარტივებული შესყიდვის კრიტერიუმების განსაზღვრისა და გამარტივებული შესყიდვების ჩატარების წესის დამტკიცების თაობაზე“ 2015 წლის 17 აგვისტოს #13 ბრძანების მე-2 მუხლის ა) ქვეპუნქტის შესაბამისად. ვდებთ წინამდებარე ხელშეკრულებას.

**1. ხელშეკრულებაში გამოყენებულ ტერმინთა განმარტება:**

- 1.1. **ხელშეკრულება სახელმწიფო შესყიდვის შესახებ:** (შემდგომში: „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ;
- 1.2. **ხელშეკრულების ღირებულება:** საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. **„დღე“, „კვირა“, „თვე“** - კალენდარული დღე, კვირა, თვე, თუ წინამდებარე ხელშეკრულებით სხვა რამ არ არის გათვალისწინებული;
- 1.4. **„შემსყიდველი“** - ორგანიზაცია, რომელიც ახორციელებს შესყიდვას;
- 1.5. **„მიმწოდებელი“** - პირი, რომელიც ახორციელებს მომსახურებას წინამდებარე ხელშეკრულების ფარგლებში;
- 1.6. **„მომსახურება“** - ხელშეკრულების მე-2 მუხლით გათვალისწინებული ხელშეკრულების საგანი;

**2. ხელშეკრულების საგანი**

- 2.1. ხელშეკრულების საგანია სსიპ ახმეტის მუნიციპალიტეტის სოფელ დუისის საჯარო სკოლისთვის აუდიტორული მომსახურების შესყიდვა გამარტივებული შესყიდვის საშუალებით (CPV79212000). რაც მოიცავს შემდეგს:  
**სკოლის შენობის დემონტაჟის შედეგად მისაღები შესაძლო მეორადი საამშენებლო მასალების საბაზრო ღირებულებისა და ამ მიზნით ჩასატარებელი დემონტაჟის სამუშაოების საგარაუდო ღირებულების განსაზღვრას.**

**3. ხელშეკრულების ღირებულება**

- 3.1. ხელშეკრულების ღირებულებაა **1500.00 (ერთი ათას ხუთასი) ლარი;**
- 3.2. ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს მომსახურების გაწევასთან.

**4. მხარეთა უფლება-მოვალეობები**

- 4.1. მიმწოდებელი ვალდებულია:
  - 4.1.1. ჩაატაროს ხელშეკრულების 2.1 მუხლით განსაზღვრული მომსახურება და ჩააბაროს ხელშეკრულების 7.1 მუხლით განსაზღვრულ ვადაში;
  - 4.1.2. მომსახურება განახორციელოს წინამდებარე ხელშეკრულებით განსაზღვრულ ვადებში.
- 4.2. მიმწოდებელი უფლებამოსილია:
  - 4.2.1. შემსყიდველს მოთხოვოს ხელშეკრულებით ნაკისრი ვალდებულებების შესრულება;
- 4.3. შემსყიდველი ვალდებულია:
  - 4.3.1. განახორციელოს წინამდებარე ხელშეკრულებით გათვალისწინებული მოთხოვნების დაცვით გაწეული მომსახურების ღირებულების ანაზღაურება;
- 4.4. შემსყიდველი უფლებამოსილია:
  - 4.4.1. მიმწოდებლისაგან მოითხოვოს მომსახურების გაწევა წინამდებარე ხელშეკრულებით გათვალისწინებულ

პირობებში;

4.4.2. შეამოწმოს მომსახურების გაწევის ხარისხი, მომსახურების გაწევის მიმდინარეობა;

## 5. ანგარიშსწორების ფორმა და ვადები

5.1. ანგარიშსწორება „შემსყიდველი“-ს მიერ მოხდება მიმწოდებლის მიერ ამ ხელშეკრულებით აღებული ვალდებულებების სრულად შესრულების შემდგომ შესაბამისი მიღება-ჩაბარების აქტის გაფორმებიდან 5 (ხუთი) სამუშაო დღის ვადაში მიმწოდებლის საბანკო ანგარიშზე ჩარიცხვის გზით.

5.2. ანგარიშსწორები ვალუტა: ლარი;

5.3. ანგარიშსწორების ფორმა: უნაღდო.

## 6. მიღება-ჩაბარების წესი:

6.1. წინამდებარე ხელშეკრულებით გათვალისწინებული მომსახურების გაწევის მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი;

6.2. მომსახურება ჩაითვლება გაწეულად მხოლოდ მხარეებს შორის მიღება-ჩაბარების აქტის გაფორმების შემდეგ;

6.3. შემსყიდველის მხრიდან მიღება-ჩაბარების აქტზე ხელმოწერის უფლება ენიჭება სსიპ ახმეტის მუნიციპალიტეტის სოფელ დუისის საჯარო სკოლის დირექტორის მოვალეობის შემსრულებელს ლილი სვიაკაურს.

## 7. მომსახურების გაწევის ადგილი და ვადა

7.1. მომსახურების გაწევის ადგილია შემსყიდველის ადგილსამყოფელი - საქართველო, ახმეტა, სოფელი დუისი;

7.2. მომსახურების გაწევა უნდა განხორციელდეს 2023 წლის 15 მარტიდან 2023 წლის 1 აპრილამდე.

## 8. ხელშეკრულებით ნაკისრი ვალდებულებების შესრულების კონტროლი

8.1. ხელშეკრულებით ნაკისრი ვალდებულებების შესრულების კონტროლს განახორციელებს სსიპ ახმეტის მუნიციპალიტეტის სოფელ დუისის საჯარო სკოლის დირექტორის ბრძანებით შექმნილი ინსპექტირების ჯგუფი.

8.2. კონტროლი გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს;

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## 9. პირგასამტეხლო ხელშეკრულების პირობების შეუსრულებლობისათვის

9.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არსებითად დარღვევისათვის ხელშეკრულებით და საქართველოს კანონმდებლობით დადგენილი წესით;

9.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა და ამოქმედების პირობები განსაზღვრულია წინამდებარე ხელშეკრულებით;

9.3. მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს ჯარიმა ხელშეკრულების ღირებულების 10%-ის ოდენობით;

9.4. არაჯეროვნად შესრულებას წარმოადგენს უხარისხო მომსახურების გაწევა. ამასთან არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 9.5 პუნქტით განსაზღვრული შემთხვევისა.

9.5. მიმწოდებლის მიერ დაგვიანებით შესრულებას წარმოადგენს მომსახურების გაწევის წინამდებარე ხელშეკრულებით გათვალისწინებული ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე დროულად გაუწეველი მომსახურების ღირებულების 0.1%-ის ოდენობით.

## 10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაზღვრულია მხოლოდ წერილობითი ფორმით, მხარეთა შეთანხმების საფუძველზე;

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულებების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში,

ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

**10.4.** ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

**10.5.** მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

**10.6.** ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

### 11. დაუძლეველი ძალა

**11.1.** მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

**11.2.** თუ ერთ-ერთი მხარე დაუზღვეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

**11.3.** მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

### 12. დავები და მათი გადაწყვეტის წესი

**12.1.** ხელშეკრულების მოქმედების პერიოდში წამოჭრილი ნებისმიერი დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

### 13. ხელშეკრულების მოქმედების ვადა

**13.1.** ხელშეკრულება ძალაში შედის 2023 წლის 15 მარტიდან და მოქმედებს 2023 წლის 30 აპრილის ჩათვლით.

### 14. გარდამავალი და დასკვნითი დებულებები:

**14.1.** წინამდებარე ხელშეკრულება შედგენილია ქართულ ენაზე;

**14.2.** წინამდებარე ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან ერთი ინახება „შემსყიდველთან“, ხოლო ერთი - „მიმწოდებელთან“.

### 15. მხარეთა ხელმოწერები:

„შემსყიდველი“

სსიპ ახმეტის მუნიციპალიტეტის სოფელ დუისის

საჯარო სკოლა

საჯარო სკოლის დირექტორის მოვალეობის

შემსრულებელი : ლილი სვიაკაური

მის: ახმეტა, სოფელი დუისი

საიდენტიფიკაციო № 224628124

ბანკის რეკვიზიტები:

სს „ლიბერთი ბანკი“

ბანკის კოდი: LBRTGE22

ა/ა GE94LB0121189483158000

ტელ: 591012525, 591012552

ხელმოწერა/ბეჭედი:

\_\_\_\_\_ /ლ.სვიაკაური/

შემსრულებელი:

შპს „თი აი ეი ჯი აუდიტესკორტი“

დირექტორი: ზუბიკო შავდათუაშვილი

მის: ქ. თბილისი, ყაზბეგის გამზ. 14ა

ბანკის რეკვიზიტები:

სს „საქართველოს ბანკი“

ბანკის კოდი: BAGAGE22

ანგარიშის: N GE47BG000000294791500

საიდენტიფიკაციო № 205229439

ტელ: 322 144 500

ხელმოწერა/ბეჭედი:

\_\_\_\_\_ /ზ შავდათუაშვილი/